

ह॒स्तेषु बि॒भ्रत इत्यु॒च्य॑त॒ ह॒स्तेषु बि॒भ्रति दि॒वस्पृ॑ष्ट॒ स्वर्ग॒त्वा मि॒श्रा  
 दे॒वेभि॒राध॑मि॒ति दि॒वस्पृ॑ष्ट॒ स्वर्गं॒ लोकं॒ गत्वा मि॒श्रा दे॒वेभि॒राध॑मित्येतत् ॥ २४ ॥  
 प्रा॒चीम॒नु प्रदि॑शं प्रे॒हि वि॒द्वानि॒ति । प्रा॒ची वै दि॒ग्ग्रेः स्वा॒मनु प्रदि॑शं प्रे॒हि वि॒-  
 द्वा॒नित्ये॒तद्ग्रे॒रग्रे॒ पुरो॑ऽग्नि॒र्भवे॒हेत्य॑स्य त्व॒मग्रे॒रग्रे॒ पुरो॑ऽग्नि॒र्भवे॒हेत्ये॒तद्वि॒श्वा आ॒शा  
 दी॒द्यानो वि॒भाही॒ति सर्वा॑ आ॒शा दी॒प्यमानो वि॒भाही॒त्येतद्ग॑र्जं नो धे॒हि द्वि॒पदे  
 च॒तुष्प॑द॒ इत्या॑शिष॒माशा॑स्ते ॥ २५ ॥ पृथि॒व्या अ॒रुम् । उ॒दत्त॑रि॒क्षमा॒रुह॑म॒त्तरि॑क्षादि॒-  
 वमा॒रुह॑मि॒ति गा॒र्हप॑त्या॒द्याग्नी॒धीय॑मा॒गृह॑त्या॒ग्नीधी॑यादा॒रुव॑नीयं दि॒वो ना॒कस्य॑ पृ॒-  
 ष्ठात्स्व॒र्ग्योति॑र॒गाम॑रुमि॒ति दि॒वो ना॒कस्य॑ पृ॒ष्ठात्स्वर्गं॒ लोक॑म॒गाम॑रुमि॒त्येतत् ॥ २६ ॥  
 स्व॒र्यन्तो ना॒पेक्ष॑न्ते । आ॒द्या॒ रो॒हन्ति॑ रो॒दसी॑ इति न॒ दैव॑ तेऽपे॒क्षन्ते॒ ये स्वर्गं॒  
 लोकं॒ यन्ति॑ य॒ज्ञं ये वि॒श्वतो॑धार॒ सुवि॒द्वा॒सो वि॒तेनि॒र॒ इत्ये॒ष ए॒व य॒ज्ञो वि॒श्व-  
 तो॑धार॒ एत॑ऽउ॒ ए॒व सु॒विद्वा॒सो य॒ एतं॑ वि॒तन्व॑ते ॥ २७ ॥ अ॒ग्रे प्रे॒हि प्रथ॑मो दे॒-  
 व॒यता॑मि॒ति । इ॒ममे॒तदग्नि॑मा॒रु त्व॒मेषां॑ प्रे॒हि प्रथ॑मो दे॒वय॑तामि॒ति च॒क्षुर्दे॒वाना॑मु॒त  
 म॒र्त्याना॑मि॒त्युभ॑येषा॒ ह॒तदे॒वम॑नु॒ष्याणां॑ च॒क्षुरि॒यक्ष॑माणा भृ॒गुभिः॑ स॒जोषा॑ इति य॒-  
 ज॒माना॑ भृ॒गुभिः॑ स॒जोषा॑ इत्ये॒तत्स्व॒र्यन्तु॑ य॒ज॒मानाः स्व॒स्तीति॑ स्वर्गं॒ लोकं॒ यन्तु॑ य॒-  
 ज॒मानाः स्व॒स्तीत्ये॒तत् ॥ २८ ॥ त॒द्या अ॒मुष्मि॑न्लोके प॒ञ्च दि॒शः । ता॒ एत॑दे॒वा अ॒-  
 सुरा॑णामवृ॒ज्जता॑थो ता॒ ए॒वैत॑त्समा॒रोह॑न्ता॒ उ॒ ए॒वैत॑द्य॒ज॒मानो॑ द्विषतो भ्रातृ॒व्यस्य॑  
 वृ॒द्धेऽथो॑ ता॒ ए॒वैत॑त्समा॒रोह॑त्यथो॒ एत॑द्वा॒ एता॑भिर्दे॒वा आ॒तः सम्प्रा॑प्नुवंस्तथै॒वाभि॒-  
 र॒यमे॒तदा॒तः सम्प्रा॑प्नोति ॥ २९ ॥ अथै॒नम॑भि॒जुहो॑ति । एत॑द्वा॒ एनं॑ दे॒वा ई॒यिवा॒-  
 समु॑परि॒ष्टाद॒न्नेना॑प्री॒णन्ने॒तया॑हु॒त्या तथै॒वैन॑म॒यमे॒तदी॒यिवा॒ समु॑परि॒ष्टाद॒न्नेन॑ प्री॒णा-  
 त्ये॒तया॑हु॒त्या कृ॒क्षायै॑ शु॒क्ल॒वत्स॑यै प॒यसा॑ रा॒त्रिर्वै कृ॒क्षा शु॒क्ल॒वत्सा॑ तस्या अ॒सा॒-  
 वा॒दित्यो॑ व॒त्सः स्वे॒नै॒वैन॑मे॒तद्वा॒गेन॑ स्वे॒न र॒सेन॑ प्री॒णात्यु॑परि धा॒र्यमा॑ण उपरि॒  
 हि स॒ यमे॒तत्प्री॑णाति दो॒हने॑न दो॒हने॑न हि प॒यः प्रदी॑यते ॥ ३० ॥ य॒द्वै॒नम॑भि॒-